

宜
焚
全
稿

宜焚全稿

卷十六

敬舉忠節孝廉
伯燧銓佐軍需
舉人才備推用
條議吏行事宜
存舉方面官吏
舉勳力丁云貴
舉勳武職官吏
舉勳教職官吏

巡按蘇松等處監察御史臣祁

謹

題為徵臣地方事竣敬舉真忠節真孝廉仰祈
聖明鑒裁

賜謚

贈官以勸臣忠以維士習以彰

聖化事該臣伏查

憲綱內一款凡孝子順孫義夫節婦忠臣烈士志行

卓異可勵世風者所在有司中舉監察御史核

實奏

聞旌表欽此臣竊惟人臣立

朝致

主必忠節是先範世居身以孝廉為本足以艱危偶
值乃見純忠板蕩時丁必需大節漢重名俱
繫之以孝周嚴計吏皆冠之以廉臣子出處行
藏有於此缺一不可者然而蓋難言之矣不但
更張喜事矯激近名便為色取行違之偽品即
克自矜持有心表著亦非不愧不作之完人此
必鍾異出于性靈而純修得自學問以故天若

在艱難險阻之際一試其堅貞人遂于坎坷落
寞之中大徵其粹美然要之出處雖分兩端行
藏原爲一逆惟能處而敦百行之源嚴一芥之
義始能出而望危言之槩標獨行之芳潔以移
孝爲忠救廢飭節原有互証而自見者大哉

王言所云生平果係孝弟庶讓做官自然盡忠竭節
豈非萬世臣子不易之標準哉當今世風漸下
士習日渝筮仕而養交持祿恒以爲常居鄉則
問舍求田恬不爲怪洪惟我

皇上深維興道致理之源歌收行修經明之用隱逸

開

奏薦之路舉人嚴恭處之條蓋所以悅流者而使
淳培漓者而使樸也臣役任諂譖每于覲風問
俗之時或詢之父老或攷之載籍歌得一二真
忠節真孝廉以當

聖世之旌異使一時有所覩感在後世可為典型而
不勝其難其慎者倘或品流未確則恐名實不
符即使時論艷稱亦且表章有待惟其人已在

君隱若現之間其事已在似存似亡之介言湮
世遠忽廢幽光人去事遷尚徵潛德則凡縉紳
學士必有一番躍然興起之思憤然感慕之意
此在

皇上勵世磨鈍其用最神而臣愚聞幽抉微于心亦
苦矣臣在吳言吳于四郡之中得六人爲敬採
其行實綜核陳之

朱紉長洲縣人生三日遘家難即與其母繫獄
浚賴有司白其冤稍長爲諸生孤苦自立正德

間成進士知景開二州俱以廉惠幹濟稱擢
南駕部備兵四川威茂時以平深溝諸部寇
功

賜金幣如尋歷廣東左布政使又以勦平獍賊再
賜金幣進都御史撫南贛已移撫閩浙足時沿海諸
郡奸民與番舶通因緣為奸利而以大姓豪
家為主紈紵官請一切從軍興法聽便從
事及視事斥去黃墨綬貪汙者數人窮治通
海舶者排根豪石剪除亡貸提兵平漳州同

安寇捕首虜六百人移師定海屢破寇夷焚
餘艘幾盡又大破賊于溫鹽南麂諸洋以忤
時凡數上捷僅一拜

賞後悉平佛郎機黑白番船俘其酋及餘衆四百餘
有言其為變者統下令誅渠魁為言者誣劾削
職聽勘統仇嫉臺吏大猾以為必死我歎曰
吾家無一錢且素負氣節安能對獄吏遂仰
藥死

陸聚長洲縣人治春秋臨捷選庶吉士凡七試

皆首以不謂謝時貴當散館渡試第一竟出
為工科給事中感激受命三日聞選警即上
言兵事又

請開弘文館與情聞有過之士講論政事優太學舉貢
諸生途與進士並渡上四事曰久任使快考
察汰冗官濫制科侃直言事亡所避時法司
與廠衛獄互異燦力持法司議遂下獄踰月
杖而釋之復勅輔臣張孚敬桂萼并及諸要
路夜草疏鬼嘯于庭燦大言曰我男子死耳

疏不可已。嘯乃寂詰旦。疏入。罷二輔。臣直聲震動。會有以蜚語聞者。浚下獄。謫部。勾驛丞。遷永新令。平冤獄。擒劇盜。杖殺土豪數。世為民患者。以母老。上書乞致仕。即日歸。歸凡十八年。不通朝臣一字。郡邑罕覩其面。

葉茂才。無錫縣人。生而孝友。痛母早逝。每館歸。坐臥欠側。時刻定省。萬曆己丑。成進士。授刑部主事。三月。告南迎養。改工部。分權蕪。閔盡。華他稅。不留一錢。差竣。上羨金數千。疏曰。久

罕得通故有羨金請不為例且進羨非臣志也蒙

賜白金松布以旌異改南吏部郎中再

請告歸久之起禮部郎中陞尚寶司司丞少卿又陞

南京大理寺丞擢太僕寺少卿家居十五年

至是始一出時言者議論異同懋才抗疏相

聞徃復侃侃不回且累疏乞歸又七年起太

僕寺少卿改太常寺少卿皆不赴陞南京工

部右侍郎到任甫三月即致仕布衣蔬食以

終其身居僅有堂三楹妻安人老而猶躬親
紡織以給饘粥及與諸同志講道論德切磋
不倦無片紙入公府雖小夫稚子無不知其
清節

張基吳江縣人中嘉靖庚子舉人例得坊金一
日散宗黨略盡當會試時有薊者歌為道地
堅謝弗應是年擬魁選竟落第久卒葬事祖
母上南宮時忽念祖母病遽爾返棹自是遂
謝應舉疚心為己之學所著有孝經附註讀

書疑獨鑒廣頤數十卷隆慶初元

詔求山林隱逸撫按彙薦力辭不應歲大祿賑米數
百斛屬軍興族皆任役不忍獨以例免為請
代于官毀家紓之產盡弗顧學既有得預刻
亡日至時跣坐而逝

歸子慕崑山縣人中萬曆辛卯舉人為文苑名
臣有光子少喪父讀遺書必捧之而泣母疾
衣不解帶者數月少具勝情若不可一世及
有得于宴坐嘿存之學其學專于訟已過若

創痛刺心毫不假借以足違疾嘔血雖割豕
舛天下竟絕意進取不與衣冠之會不詣府
縣不受當路問餽不為子弟應試干請雖甚
貧養其兄子之孤者養其弟婦之寡者自處
無不自得之言與人無不足之色所居里俗
皆化之南強仕以前疾卒

朱陞宣吳縣人中萬曆壬子舉人念父母老一
再舉浚公車往還不踰百日乙丑心動馳歸
歸則父九十尚無恙而母氏甫七十康養旬

餘遽卒識者謂誠孝所感自此遂絕計偕設
榻病久之側凡一菜一糜以至中單廁諭之
類靡弗親者與先臣周順昌為總角交順昌
中璫禍時小民呼號稱冤狙擊縱騎閭郡震恐
多避難獨陞宣周旋于左右倍密後以親歿
拮据葬事不得辦致患噎膈卒以身殉孝門
下從游百餘人多一時耆髦會殮之日相向
哭失聲

已上在忠節三臣劬骨不容膚功早建孤忠九

死回

天之諫草猶香恬退一生獨對之影衾無愧在孝廉
三臣學修已底純全志行毫無餘疚高文懸
市士人皆挹其丰神至行飭躬賢者特欽其
蘊藉是真輿論允合國人曰賢者也伏乞

聖明鑒裁

勅部覆

請忠節者

賜之謚典孝廉者

贈以官階謚一忠節而使為人臣者知屈折雖在于生前
榮衰已及于身後廢乎各矢丹衷不媿阿以竊位而
致命效命可使

國事無虞官一孝廉而使為士子者知潛修無隱
而不彰國德有徵而必著庶乎自愛吾邦無溫
飽之在懷而尚義敦倫是於士風有補以則諸
臣之偉烈清標可師百世而

皇上之維風易俗更越千秋美臣愚竊見文武臣應
得謚者不論年分遠近許撫按從公舉

奏載在

會典一書如臣所舉三臣又皆禮部訪冊所具而報
命疏中福建巡撫熊文燦曾薦舉人二員河南巡按
李日宣亦舉監生二人皆蒙

聖明賜允是以冒昧上陳實非敢于創舉也臣可勝
悚息待

命之至

崇禎七年九月初二日具題十月初四日奉

聖旨該部知道

巡按蘇松等處監察御史今降職 級 臣 祁 謹

題為恭

報 奏 次 搜 解 贖 錢 仰 佐 軍 需 事 竊 惟 敢 事 後 食 臣 子
之 分 誼 也 臣 奉

命 巡 方 大 者 期 有 裨 於 民 生 吏 治 即 小 之 而 助 餉 濟
邊 亦 且 分 內 之 事 其 故 後 焉 況 今 虜 犯 宣 雲 微
調 鱗 集 此 時 待 餉 方 族 臣 誼 切 同 仇 自 當 亟 事
稽 核 少 佐 度 支 之 需 再 查 各 屬 贖 錢 計 又 得 銀
壹 千 兩 行 蘇 州 府 差 官 搭 解 又 崇 禎 陸 築 兩 年

扣載吏廩各壹百拾貳兩行常州鎮江兩府差
官搭解臣先後奏次共解過贖錢伍千兩公費
貳千伍百兩搜括各項銀壹千伍百兩吏廩銀
貳百貳拾肆兩共玖千貳百貳拾肆兩此在臣
樽節一念絲毫為

公家之用總不敢以長物竄漏卮耳已經分行蘇
州府起解貳千捌百兩松江府起解貳千柒百
伍拾兩常州府起解貳千叁百陸拾貳兩鎮江
府起解壹千叁百捌貳兩伏乞

初下該部俟解到之日照數查收而臣更有陳者事
例之停止此

聖明慎重名器之盛心臣子誰不仰體乃奉
旨任伍年拾貳月而臣之奉文則在陸年捌月其未
奉文之先皆援納之日也今如吏農一項納銀
之後有已考撥者有已著役者在各屬無可遵
行原非敢有違

明旨今計事例之納在陸年捌月以前者蘇州府計
吏農銀柒百叁拾伍兩儒官銀貳百叁拾叁兩

松江府計吏農銀肆百壹拾兩常州府計吏農
銀貳千兩捌錢零鎮江府計吏農銀貳百貳拾
兩肆府通共叁千伍百玖拾兩捌錢零似可
供千軍百日之需查已實收在庫久之必成侵
匿應否解進或當發還伏候

聖裁蓋當

國計廣乏之時臣必使之分厘有歸着方不致以
脂膏飽蠹窟也昨經呈堂達部奉劄令臣
題明故敢因報解而并反之統乞

勅下該部查議施行

崇禎七年九月初二日具題九月丙申日奉

聖旨這錢贖俟解到照數查收其吏儒援納銀兩果
係未奉部文之先并著解進該部知道

巡按蘇松等處監察御史

題為循例薦舉地方人材以備擢用事

臣奉命按吳事竣得代所有地方人材例應薦舉臣惟通來四方多事我

皇上核實綜名正欲得實心幹濟之臣布之中外而一時猶若苦于乏人豈必借之于異代哉蓋此遵時養晦與夫偶蹶扶間者一拔擢之而皆足為

國家用者也臣叨耳目之官且任諮諏之後念時

之所最重者邊材也乃今有險要可聚米而談
謀畧可揮襟而出者臣不敢不薦念時之所宜
懲者貪風薰習也乃今有清標絕俗厚德鎮浮
可以成威弱撤樂之風著大法小廉之效者臣
不敢不薦念時之所欽講求者民瘼吏治也乃
今有諸艱歷試茂樹無前在民瘼則疾苦能調
在吏治則紀綱可飭者臣不敢不薦且以我
皇上諫言樂受直節時褒則今又有風飛塞堦之聲
懋著澄清之烈者臣又安敢不薦乎蓋江南為

靈秀所鍾從來奇杰名賢頃背相望而林下諸
臣此一時尤為濟濟林谷實則

岩廊虛倚盡士堅肥遯之思人歆考槃之什則臣又
不但為人材惜而且為

國事慮搜岩剔穴是所望于寤寐求賢之

聖明也然以臣之愚當此多材之地如操斧斤而入

鄧林安所施其擇取而猶不敢不矢詳矢慎于
巡歷所至或停轡而問或造廬而請必得之真
見真聞者方登之薦剡披誠入

告萬不敢于

嚴綸申飭之始有不核之才品也如原任大學士周

延儒柱維象嶽鼎足承

天雅度休休胸備四時氣象小心翼翼身書大字安

危當時事之多艱奮謀謨而膺

簡命迨

聖恩之正渥謝賜軸而甘里居後樂先憂念尚懸乎

北闕進禮退義望益重于東山但以

予告未幾不敢叔薦及讀禮未終入山未久者俱不

敢叙薦外今將應薦諸臣謹核實陳之

王在晉蘇州府太倉州人繇壬辰進士授工部
主事歷負外郎中陞福建僉事歷叅議副使
叅政按察使布政使陞都察院右副都御史
轉工部侍郎改兵部陞本部尚書經畧遼東
改南京兵部尚書

請告回籍起南京吏部尚書加太子少保乙丑改任
刑部轉兵部奉

旨回籍該職看得本官條地規天偉望安內懷外鴻

猷經畧若閔則恢復五城二十七堡策勲帷
幄乃招徠八營三十六家成謀每燭于機先
論功寧居于人後此真戡亂之巨手也時艱
方亟

簡召宜先

申用懋蘇州府吳縣人繇癸未進士授刑部主
事轉兵部歷員外郎中陞太僕寺少卿轉南
京太常寺卿陞順天巡撫奉

旨閔住起陞兵部侍郎陞本部尚書庚午庸退自陳

奉

旨回籍該職看得本官世篤忠貞才兼文武蓋自運
籌樞筦以至秉鉞若違九塞之情形悉于指
掌五兵之方畧較若列眉及于樞府游歷正
值奴氛孔棘出其謀猷整暇率使

宗社莫安此誠今日范韓之傳所宜

特加簡畀之任者

杜士全松江府上海縣人錄乙未進士授大冶
縣知縣丁母憂起復補海鹽縣擬陞南京吏

部主事考選刑科給事中陞禮科右給事中
丁父憂起復陞太僕寺少卿陞南京太常寺
卿考滿加南京工部侍郎改南京刑部侍郎
陞南京工部尚書

予告回籍該職看得本宦宏猷經世定識匡時贊大
政決大機掖垣高伏蒲之節進則難退則易

陪京隆砥柱之風蓋不特亮工熙績望在立

朝而且却執杜門風堪維世宜膺

鳳詔以竟鴻施

于士廉鎮江府金壇縣人繇丙戌進士授戶部
主事歷員外郎中陞山東副使轉叅政丁艱
服闋補浙江按察使歷廣西布政陞南京太
僕寺卿陞通政轉南京戶部總督侍郎癸亥
請告回籍該職看得本官和而能任公以生明兵農
錢穀見左宜右有之才屯牧河漕盡可大可
久之政觀其純氣之所守宛若未孩而孤標
介節可謂善養浩然此真無忝清品足為

當代羽儀者也

顧錫時蘇州府崑山縣人錄己未進士考選庶

吉士授翰林院檢討辛酉福建主考本年降

調復奉

旨削奪起陞右春坊右贊善陞左春坊右諭德陞國

子監祭酒己巳給假省親在籍陞詹事府少

詹兼翰林院侍讀學士旋經

請告回籍該職者得本宦氣鍾五緯學本六經闕闕

特拔異才應

聖明開門之典皆其休明

盛治黼黻

皇猷之效也乃若純忠勁骨百折不回朗哉澄心千

秋自命允屬為霖之望詎宜韞櫝而藏

李凌雲松江府華亭縣人繇甲辰進士授諸城

縣知縣考選山東道御史陞大理寺寺丞轉

通政司右通政乙丑

請告回籍該職者得本宦博大精明忠厚正直溫而

栗清而和當其飛鳬行秀圃已表著寰區矣

乃若誼為天親躬修人紀一古一動居然範

倍維風鄉邦咸與為準繩

朝宁宜資其每楫

吳默蘇州府吳江縣人錄壬辰進士授兵部主
事轉禮部主事郎中陞尚寶司司丞歷本司
少卿陞通政司左通政陞太僕寺卿奉旨告
病回籍該職看得本宦世道儀型文章宗匠
自銀臺回寺出處大節皎然歷筮仕里居知
覺先民卓爾即今竿牘不通于當路覩遺無
及其門庭主懦廉頑真堪師世規言矩行允

足致

君名碩共推

時皆耳早

史弼鎮江府金壇縣人繇壬辰進士授崇安縣
知縣考選南京陝西道御史丁憂復授廣西
道御史掌河南道陞太僕寺少卿轉南京光
祿寺卿丙寅削奪戊辰奉

旨復職該職看得本宦忠直風成剛方問出自亮介
而歷月卿無一事不堪以揭日告

天無一人不服其袂躬範世出則致

主雅有危行危言退寧忤時期于不愧不作蒲輪應

及黃髮宜咨

談自省鎮江府丹徒縣人絲甲辰進士授冠縣知

縣陞南京吏部主事歷郎中陞湖廣叅政轉

浙江按察使右布政陞江西左布政陞應天

府尹乙丑刻奪今本

音後職該職看得本官歷懋崇勲雅推碩望和易而

持之剛正宏博而出以精詳自作合衆銓及

屏藩陳臬所在見和風甘雨皎日清霜塵外
孤標業荷

賜環之詔歲寒勁節應歸列棘之班

李達節蘇州府吳江縣人絲丁未進士授行人
陞吏部主事歷員外郎中陞太常寺少卿陞
應天府尹陞南京工部侍郎改兵部總督兩
廣戊辰

請告在籍該職看得本官淵泓卓識練達鴻才秉鑒
銓衡士稱克宅克俊旬宣南國民歌攸暨攸

歸時當波逐風靡已見屹然之禁林皋養晦
未竟壯猷輪宜亟乎追鋒望允孚於虛席

毛士龍常州府宜興縣人縣癸丑進士授杭州
府推官考選刑科給事中辛酉削籍乙丑被
忝選成發衛又被忝選間戊辰奉

旨開釋復職屢經疏薦起用該職看得本官重名山
主直道絃張自入諫垣以來言人所不敢言
不能言不昭折檻之風慘蹈鉗羅之禍乃峻
節凌千尋直上孤忠歷九死不回所當垂

給音展其未舒偉略

凌漢州蘇州府長洲縣人錄甲辰進士授福清
縣知縣考選陝西道御史萬曆丙辰奏劾武
弁奉

旨且著冠帶閑住該職看得本官惠風為度潔雪盟
心性秉孤忠獨抱鋤強之任力排群議不嫌
直道之難即今家食杜門非公不入懷憂
國匡時之略而以韜光歛彩為宗旨者挹彼高風允堪

殊擢

王元瑞松江府青浦縣人繇癸丑進士授太和

知縣考選福建道御史庚申

請假回籍旋丁艱服闋該職看得本官品則珠輝玉

潤度如岳峙淵泓方其綰綬西昌允稱惶悌

君子乃望初重於飛霜誠遽篤於愛日即今

恬修愈邃風節愈堅宜還簪筆之班用展埋

輪之采

李白春蘇州府崑山縣人繇丙辰進士授開化

縣知縣調錢塘縣陞兵部主事轉吏部主事

歷員外郎丙寅削奪戊辰奉

旨復原官起用該職看得本官經綸妙手搏挐奇才
當其出宰花封使已神慈譽滿乃於冰鏡人
倫之際方卜賢才秉進竟以直節不容即今
衆止咸歸孤芳愈著至宜

徵擢用信

明綸

王陞松江府上海縣人繇丙辰進士授常山知
縣調山陰縣給假治喪補固安縣陞工部主

事調兵部山東主考陞本司員外郎辛未奉
旨閤住該職看得本官抱有用之才志無歎之學清
心不因人熱惠政每留去思遇虜而舒導組
之猷因災而抗匡扶之論且明習典故熟諳
邊情可稱拔萃樞曹未宜沉淪邁軸

華允誠常州府無錫縣人繇壬戌進士授工部
主事陞兵部員外郎降三級照舊管事壬申
請告回籍該職看得本官道襟冲粹德宇孤高自冬
曹允厥以及樞部佐籌左右咸宜巨細畢舉

皆從格致之學探討得之以故清心一介必
嚴純孝三公不易宜膺

特起用振頽波

鄒之麟常州府武進縣人縣庠成進士授工部
主事分考被劾補上林苑典簿陞大理寺評
事轉工部主事建言閑住該臣看得本宦命
世文雄凌霄鼎望曾蟠經濟一生饒有熱腸
身作典型三黜絕無愠色雖其窮居陋巷乃
且念切邊疆偉抱壯猷真堪為濟時之用矣

曹荃常州府無錫縣人繇戊辰進士授南京刑

部主事歷員外郎中癸酉建言奉

旨降五級調外任用該臣省得本宦英蔚妙才崢嶸

卓品明刑慎獄望已起於南曹矣而且矢志四

天盟心并䟽身輕一葉進肩汲黯之愚忠室止箴聶

退安顏子之樂志孤忱可

鑒雅抱宜舒

惲厥初常州府武進縣人繇甲辰進士授行人

陞戶部主事歷員外陞浙江副使轉福建叅

政陞湖廣按察使陞陝西右布政辛未

請告回籍該臣省得本官定力萬波莫撼卓識千照

靡窮餘廿年為文為武之猷歷四省于藩于
宣之績至於提師入衛倡忠義之先聲迄今
却掃在林懷絃綸之碩抱允稱人望貯作

國禎

陸文衡蘇州府吳江縣人繇己未進士授工部

主事歷郎中陞福州府知府陞浙江叅政陞
四川按察使陞山西右布政帶管驛傳道因

四川巡按誤發勘合降三級調用該臣省得
本宦冰壺月鑑丰標珠露天球德畱自司權
專城及夫子藩秉臬雖至難至劇之區無不
妙有搏挽化成而不見其跡此蓋節與五絲
並素才以百練彌精者也望重建牙亟宜推轂

魏浣初蘇州府常熟縣人繇丙辰進士任教授
轉國子監助教陞南京工部主事調吏部歷
員郎中陞廣東副使恭政庚午

請告回籍該臣省得本宦挾漣洛閨閣之秘登蘇湖

稷下之壇懷濟世之真才而泊乎無營志甘
恬退粵嶠方歌來暮廬山遽賦歸歎此蓋可
行可藏之身有守有為之學也宜加

超擢用表清修

董象恒松江府華亭縣人繇己未進士授開州
知州陞兵部員外轉郎中陞福建副使歷叅
政

請告回籍以叙勒山寇功奉

旨起用該臣看得本官受大宏才授艱偉器如澶淵

之禦妖汀漳之却寇折衝指顧猷為爛然在
在可紀而持之以雅度恬修謙冲善下若此
救時之品應歌招隱之章

儲顯祚常州府宜興縣人繇丙辰進士授戶部
主事歷郎中陞湖廣襄陽府知府終養疏薦
起陞本省副使貴州監軍未任丁母憂服闋
補湖廣江防道副使陞本省叅政庚午

請告四籍該臣省得本宦節凜四知才優八面權關
督儲捐羨以一萬三千七百計而且雍州隆

保障之功江上靖萑苻之寇屢膺特薦肇起
鴻名已却米薪之憂宜使借箸而畫

徐禎稷松江府華亭縣人絲辛丑進士授刑部
主事告病起補歷員外郎中陞夔州府知府
陞四川副使告病起補浙江副使戊辰告病
致仕該臣看得本宦忠孝得之家傳淡泊稟
於天授究心理學獨行不愧影衿雅志民瘼
舉世若繇飢溺觀其辭榮三次人競我恬似
此勇退之流必有匡時之畧

吳炳常州府宜興縣人繇己未進士授蒲圻縣

知縣陞刑部主事調工部主事歷員外郎中

陞福州府知府

請告今經雲南道御史趙之英特薦起用奉

旨候覆該臣省得本宦清標玉立偉度山凝兩冠楚

循華選獨甘恬退半年閤守執法不貸豪強尤

難者却金暮夜清畏人知志矯矯其欲前才

英英可大用

王永吉常州府無錫縣人繇壬戌進士授定興

縣知縣陞南京禮部主事歷郎中陞福州府知府

請告回籍該臣看得本官長才颯發深守冰凝當其製錦范陽已見思興棠蔭及於

歸都典禮與夫閩海專城處處見澹泊寧靜之操事事有侃直端方之槩幹略尚多未展乃旌不可久籍

張米蘇州府太倉州人繇戊辰進士授臨川縣知縣告養回籍旋丁艱今服闋該臣看得本

宦無前經濟有用文章當其作令西江時任
水一盂召棠六幕已為海內第一清吏循吏
矣今其廬居卷載禔躬則幽獨無慚尚志而
天下為任宜出名世之學以為救時之需

已上諸臣伏乞

初下該部覆議上

請恭候

聖裁酌用施行至如原任戶科給事中瞿式耜工科
給事中許國榮王都南京禮部郎中周鍾暨

曾感時觸事矢志陳謨此其熱血苦衷豈不
欲仰當

天心稍舒所學乃或以累疏之激慙或以一事之誑誤
我

皇上履載為量雨露雷霆俱成至教而諸臣自困衡
以來才益練而志益堅儻使之展采時艱必
有可以亨屯濟變者是在

聖明宏使過之

仁而非臣所敢必也臣備員言官竊附以人事

君之誼故因薦舉而併及之伏望

聖慈垂鑒臣可勝悚息待

命之至

崇禎七年九月初二日具題十月初四日奉

聖旨吏部知道

巡按蘇松等處監察御史臣祁 謹

題為遵奉

明諭條議應行事宜以祈

聖裁事該吏部條議前事奉

聖旨奉差部司于地方甚有關係該撫按官一体舉

劾欽此欽遵臣惟江南為財賦自出之地而游豎

一關則浙直商賈所必經者以推筭絲絲之所
每成囊弊叢集之區此非精敏不能厘奸非峻
潔不能調潤于此可以覘守亦于此可以覘才

況在今額餉一加再加近更有新加一萬七千
之數而去冬以蓄水築壩商舶為阻今春則流
冠梗道江楚之飛帆巨艘竟無有源、而來者
此時而能多方招徠極意節省于商賈不增鉅
銖而

國課無虧毫髮則其清心惠政潔守敏才豈非有
大過人者耶臣與部臣共事最久實得之真聞
確見敢不特為薦揚之

進士部臣一員

督理漕暨鈔關戶部主事許多清貞有國士之
風敏妙真濟時之手砥節則千尋勁骨持籌
以一片精心掣量必公耗羨必革而奸牙港
棍肅然一清故商民之戴頌真有入于肌髓
者乃且築塘以濟運課士以興文及于旌牒周貧
巨細精到于以見徑國遠猷不但司權之臣
是所當荐揚以備擢用者也伏乞

勅下該部覆議施行以可勝悚息待

命之至

巡撫蘇松等處監察御史臣祁謹

題為遵奉

明諭條議應行事宜等事該臣接吳事該渡

命訪得游墅鈔關戶部主事許彥為司權之良應脩
擢用未敢擅便謹題請

旨

崇禎七年九月初二日具題十月初四日奉

聖旨該部知道

巡按蘇松等處監察御史臣祁謹

題為循例薦舉方面官員事竊照微臣奉

命巡方所以上宣

朝廷之

慮意下恤民生之疾苦者臣層累而下之守令層累而上之黜惟監司是賴是以宋臣朱熹有言曰監司者守令之綱也故監司勤而守令不敢怠監司廉而守令不敢貪以言乎猶表正而影自直也在今考成之法既立黜陟之典惟公為臣

子無不日凜：子

功令以悞即子隕越。且之倚監司重而監司原自
不處于薄。且之督監司嚴而監司原自不處于
寬。適諸地方多事有司乏人。蓋有守令所不能
為不及為。而且無不與一二道。且故：為之者
同甘苦同利害。而且同任怨與任勞。是知監司
之真莫且若也。今且巡歷已周。例應荐舉。除原
任蘇松道右布政使沈萃楨。博大中猷萬應。而
不錫嶙峋氣節。百折而不用。素擅鴻名。可當大

任已經

請告回籍不敢繫敘外謹將應荐諸臣核實開列

進士方面三員

蘇松兵備道右布政使周汝弼峻壁千層勁節
洪濤萬派宏才于凡懲奸剔蠹飭備周固俱
以一片血誠懇切周至真可貫金石而泣鬼
神以故庶寮象指百度維貞居然有大法亦
廉之效

蘇松常鎮督糧道右叅政王象晉以峻潔居身

以公忠任事而敏才卓識更足以別厘漕弊
調劑軍民江南值物力匱乏之時乃能挽遲
為速輸納独先皆本官胼胝宵露之力蓋其
功在

國儲矣

常鎮兵備道副使徐世蔭清心亮節大器靈襟
識足以鎮懾略足以濟變所至而寬嚴並用
威惠交孚凡于飭吏綏民安良戢暴規畫者
皆可大可以足當地方安危之倚

已上諸臣皆方面之良所當一体荐舉再照江
南之司道實與他處迥異以巡兼守以備兵而
兼藩臬諸凡漕渠之通塞營伍之整頓防海防
江之險要與夫重大之訟獄督催之錢糧何一
不責成于司道而漕儲居海內之半年来軍民
交敝籌畫尤難督糧道臣王象晉當三運之飛
挽以庾艘為家柳風沐雨在漕諸臣勞苦功高
似無出其右者卽循資一轉尚未有以酬廉卓
之舉也至蘇松道臣周汝弼以中臺直節蒙

思賜環再舉卓異敍歷四省其急公任事不以內外
易心有古名臣度烏常鎮道臣徐世蔭當宜變
方張之際予不動声色中能使奸渠主強即此
一段沉機妙略可備

國家之緩急者月皆心服其賢故並表而出之以
儲節鉞之選內督糧道臣王象晉雖經報陞尚
在督運例得並荐而月更有陳者繼來奸民之
難理也較寇盜為甚宜邑亂形雖弭人心未固
常鎮道臣徐世蔭向已擘畫于机先今尤綢繆

于善後是以士民見其資俸已深衣期將及惟
恐一日失本官而臣亦再四籌之非但爲一邑
慮也常鎮兩府控扼長江之險如去年江北之
沙賊今春楚中之流寇皆震隣有觀道臣彈壓
軍民所賴爲重而世蔭脩葺船械創建營房簡
練士卒無不備有苦心此真足以當鎖鑰之任
者若加以一銜在本官原非分外而俾之久任
則實有關係于地方撫臣張國維亦隨常有疏
上

請矣若論此地事煩責鉅衝劇無兩入之所望而畏

焉者且惟為地方計故不暇為本官計耳我

皇上念切封疆當茲根本之地欲周桑土之謀或不
以目言為煩瀆伏乞

勅下吏部再加查訪如果目言不謬將徐世蔭加銜
留任周汝弼等一体優擢庶屏藩之績隆而察
案之紀綱益肅矣目可勝悚息待

命之至

巡按蘇松等處監察御史目祁 謹

題為循例薦舉方面官員事該臣按吳事竣復
命訪得蘇松道右布政周汝弼督糧道右叅政王象
晉常鎮道副使徐世隆皆方面之良應分別優
擢加銜未敢擅便謹題請

旨

崇禎七年九月初二日具題十月初四日奉
聖旨吏部知道

巡按蘇松等處監察御史臣祁 謹

題為循例舉劾有司官員事竊照微臣叨奉

簡命原有察吏之專責況江南民生日見凋瘵賦役
夙稱浩煩倘有一不肖者側足其間則墮事殃
民較他省為尤甚察吏者安得不凜凜焉臣入
境以後即與之申明禁約諮詢要務期于共捐
格套各洗肺腸而且耗羨有革行銷有革布解
白糧諸大役之陋規有革時時稽核事：責成
皆臣之所謂察吏而無敢以刻怠也乃此中官

之乏事之多與夫有任之難勝指摘之易起則
亦有大異他省異者蓋臣屬四府十九州縣正
佐官不過四十二員乃操白簡以臨之者有三
督一撫一操江臣等衙門七差以四十二屬吏
供十二上官之統轄奔走不遑輟疲易見况經
年之中或陞遷或更調或補選而未來府官嘗
缺其一府佐嘗缺其四縣正常缺其五而日入
境以浚右踰年再撫臣糾其一學臣糾其一漕
臣鹽臣江臣屯臣又各糾其一臣于八境糾一

人

大計糾四人以宜變置累而去者二人嗣後又有相

繼報

命者矣苟非才品卓然鮮有不中道而蹶其得免于

吏議者皆千推萬數之餘才以糾紛而愈老識
以歷練而愈精者也然且積逋苦于難完積案
苦于難理內苦于劇外苦于衝蓋真有連宵廢
寢徹日忘食者其勞百倍其難亦百倍日得之
身親目擊而今當事孩之日若不一為賢吏薦

揚則幾何不以及任事之心則勞臣之色乎乃
又嘗聞之察吏者寧嚴毋寬寧察察為鷹鷂
之逐母容、作鸞鳳之標則不必其貪污匪類
也卽庸闇之侍凡有可摘之瑕類不憚與府道
廳再四搜剔其糾劾曷敢後焉除常州府知府
王觀光清真饒有經綸博大雅能負荷今徑以
水土不服

請調蘇州府推官周之夔執法每徵卓識明刑拙運
精心今徑以親老

告卷俱見在候

旨不敢繁叙又如鎮江府推官雷起劍卓見英標可
期偉望吳江縣知縣章日炯夙稱端品曾擅孝
友之稱崑山縣知縣葉培恕具有灵襟優甯黉
錯之任俱以莅任方新亦不敢繁敘外今將應
薦應劾者核實開列

應薦官一十九員

進士知府二員

松江府知府方岳貢敬莊以臨先勞無倦惟是

一清徹底政識定而明力定而卓凡文事武
備恤役捍灾皆為久大之政而尤難者以教
化先刑罰其治行非輒近所有

鎮江府知府王秉鑑品端而粹才練而宏見到
處砭定如山一本之于無欲之守是以秉公
率屬崇儉式靡正其本以澄源卓然為列城

師帥

舉人同知一員

松江府今議調蘇州府同知張讚中請俸達識

見精詳部運萬苦備嘗再符百廢具舉迄以
海濱要地議調蘇防尤資其振武詰戎之力
貢士同知一員

常州府同知蔡如葵茹蘼飲冰之守理紛濟變
之才委之以難苦之任無不慷慨担荷如浚
河造船懲奸戢穴所至奏績幹略真有過人
者

舉人通判一員

蘇州府通判樊大美器識淵涵才猷迅敏兩番

部運茹人所不堪之艱難而攝篆之應煩理
劇如承囑弄丸皆出于瞻然之集

進士推官二員

鎮江府推官周廷鑑照世一枝瓊樹凌霄千仞
華峰介節英姿兼之虛衷恬養所以平反鑒
衡各臻其妙七年明允萬口頌歌是真難名
之大器

常州府推官吳兆璽挺勁卓如山立清嚴凜若
霜凝惟能矢志操持故竿牘不徇聽斷無私

督允旬稽皆以實心爲實政

進士知縣十一員

嘉定縣知縣東方煒清超軼世中華卓犖担時
骨方以廉潔範躬而去虛華弊僇器積儲皆
妙有搏挽粹然成神慈之政品與望可稱國
士無雙

常熟縣知縣楊鼎熙慈愛花明春谷操脩月映
寒潭以左宜右有之才捍大荒除大盜平大
役皆於屹然不動中具有真實之經濟

武進縣知縣程允萬才情宏博品度端方於凡
興墮緩嚴如發積弊如擒巨奸覺其萬應咸
宜此真有為有守可徵經世遠猷

華亭縣知縣張調鼎貫斗宏才凌霜潔守克潛
甯役竭盡字民之心而批卻導窾以出之事
事必歸于粹美心如水政如錦允冠循良

上海縣知縣劉潛堅貞可常而鍊凝定足砥萬
波遇事有沉心遠略總期于惠愛斯民如開
河清賦任人所不敢任之勞怨此真異才天

授可以名世期之

長洲縣知縣涂必泓粹品瑩然玉韞俊才輝爾
霞飛洞徹於胥弊民情故應手剗裁無不見
其精當以簡理劇以靜鎮蓄可稱聲實拉茂
吳縣知縣楊雲鶴性地晶瑩八面操持峻絕一
塵折獄匠心案無留牘倅微滬法民自樂輸
灵快無前真是少年偉器

丹徒縣知縣張文光天韻恬夷風猷峻偉凡恤
民弭盜之方不吐不茹競綽有節士民頌服

翁然真為循卓之選

金壇縣知縣柯友桂溫栗琮璜之器清真冰雪
之標善催科嚴保甲以及平漕濟運皆以英
敏之手出之冲夷固是經緯妙品

宜興縣知縣石確擔當以見勁骨敦歷益砥貞
心惟其雅意清恬故舉從來積蠹積弊與積
沿之陋規洗刷必盡奸民畏而良民懷屹作
狂瀾之柱

丹陽縣知縣王範端嚴樹品愷悌宜民門以內

肅然門以外熙然載其清靜之理已見政通
人和而近來大盜屢擒尤爲保障之績

舉人知縣一員

崇明縣知縣顏魁登砥節清端當檄果毅海民

游雁災患渴一片朴實誠心力爲拊恤及當

江北寇警卽部勒民兵益埤塹平賊巢厥功尤

偉

已上諸臣皆一時有司之良所當薦揚以備
用行取者也再照江南爲重賦之鄉亦爲積逋

之數其錢糧動以十數萬計足額較他處尤難
年米徵輸無項不急故參罰叠至有司之被此
者十人而捌玖在

皇上留心吏治原不以催科之故掩其拊字之長近
且有兼論吏治之

明旨則

聖明鼓舞人材允諸長吏濯磨自見之會且不敢以
參罰故格于薦剡之外致人材有湮鬱之嘆即
如知府方岳貢非膺參罰最多者乎然其政治

實為卓冠蓋不恒半載凜然豪右屏息而于地
方綱繆峙儲皆為數百年之利賴乃若七年之
內不手一錢則又今日第一廉吏某徑以卓異
推舉矣在今四方多事語云得一賢守如勝兵
十萬豈可以通賊一端使其久懷淹抑况本官
有督催而無徵比之責皆為上海積欠所累該
縣連歲凶荒印官屢易原非本官有怠泄之故
在本官致：奉公固絕不以升沉為念而

聖世有此循良不一特為鼓勵其何以為他有位者

勅在昔漢庭首重二千石入為公卿故治平神
爵之間龔黃疊出而

祖宗朝若况鍾若何文淵等皆久任而超遷之本官殆
其人歟况在今降罰有帶陞之例舊欠有分年
之條是以日敢冒罪

上陳伏乞

皇上俯採輿情將本官破格優異使海內之為有司
者咸知

聖心軫念民瘼拔一廉吏以風示天下有不共矢赤

衷以保黎庶無是理也至于推官周廷鏞玉骨
冰心真可商鴻任鉅以應

清朝彙征之典允堪冠冕一時雖經行取以尚未考
選例得並荐嘉定縣知縣來方煒常熟縣知縣
楊鼎熙武進縣知縣程九萬俱以六七載之俸
已在截取之中第因前件未完奉

旨復任料理以三令之才品猶之璧粹珠輝人所共
寶乃當衆正連茹之日豈可使尚有遺賢況其
中已有完解如數而方煒則且曾為具

題矣似宜一体考選以信

明倫而收賢良之用者且又念此中民力屢誣皆賦
役不均之故是以審編一役為民生大利大病
所關而松江賦役之煩重尤冠江南此非破情
力任又不能清詭寄而絕花分以月所見如華
亭縣知縣張調鼎上海縣知縣劉潛審編得法
人服公平寧使役有餘田不使田有餘役此江
南撫字中第一豪而劉潛之救敝補偏使疲邑
漸有起色其才尤不可及目下存：屆審編之

會且敢表而出之以勸夫急公者

應初官二員

貢士通判一員

常州府通判胡士驥襪線無長銘刀難割一本
官委署常熟縣印先是該縣奉旨汰革書手
卑快二百餘名本官在中途時即受奸吏屈
從義徐希仲誑稟將已汰書役沒收入印簿
一奸吏屈從義等既稟收已汰書役居以為
功廣行索謝各書役不服具稟本官不為斷

理致奸書李仁等子正月初八日鼓噪公堂
本官倉皇無措申文稱管糧縣丞楊聚奎徵
糧激變仍出示招告聚奎徑督糧道查本日
各糧里俱在倉交兌漕糧並無激變情繇
面詰本官言爲李仁等所挾借此卸責見
將李仁等嚴加究擬一本官因鼓譟之後及
向各役謝過聽憑要求將七年錢糧先支
粟作八年工食後楊知縣復任查出收回各
粟仍徵作正項起解一本官于六年十二月

初六日署印至歲暮二十六日猶比錢糧致
里役曉：不服一本官初到常熟即被吏書
施時化俞檄平以政等朦蔽于十二月二十
八日私放福山營兵糧不申解本府不掛號
院道目見將時化等查究一本官聽捕快潘
文等鑽票嚇拿王應登詐洗米麥銀錢五十
兩仍監禁不審里排莫祇等証一本官聽徐
廷相等營占伊族徐一貫祖坐刑夾一貫及
坐廷相又囑差役馬俊掇指麥種做贓致貫

情切告江臣詞証一武進縣周江為積賊所
拔不審來歷即行羈捕及署常熟而閱月絕
不弔審致本犯疫斃其妻施氏哀控証一本
官委考武進縣童生卷不親閱以致孤寒遺
落各童擁擠揪奪本官僅以身免此一官者
左右為奸事權不能把握寬嚴失常措置每
見非方催科既無緩急之宜獄決復有淹沉
之弊所當照淳躁例降調者也

舉人通判一員

鎮江府通判今陞廣東廉州府欽州知州周瑾
貌類侏儒中同下來一本官批追節年拖欠
屯糧耽延二載任憑差役受賄索放竟未追
納分毫一本官督造六年溜船二十三隻因
循怠緩延至十一月代

覲入京工程止完三四分錢悞漕事一本官帶管海
防廳聽書手薛國用撥置夜深點查各街守
柵更夫中有不到者任憑國用得錢賁放本
官並不覺察拘賁一本官帶管海防廳擅准

久監盜犯首詞差役妄拿良民任憑嚇詐本
官若周聞知後被害連名告府將監犯廳差
重處此害始息一本官署丹徒縣印以民壯
工食先支自討各役將生員凌辱不堪致通
學公憤具呈猶然坐視不理一任衙役縱橫
一本官代署縣印適值月廵歷地方例應開
送吏書牒否聽信廳書周世炤指名嚇詐竟
將大奸朱應星等曲庇止開小過塞責一本
官職需糧務後聽吏書希圖保官捕務查捕

廳向已歸還海防而日批發提捕之詞則仍
聽吏書爭歸本廳承問殊為越俎此一官者
性資闇昧司度莫展一籌言動張皇代署乃
滋多口惟憑狐鼠成羣洵是驚胎難策所當
照不及例調用者也伏乞

皇上勅下吏部再加查訪如果日言不謬將方岳貢
等擢用考選胡士驥等分別議處庶吏治澄清
而民生有賴矣日可勝悚息待

命之至

巡按蘇松等處監察御史臣祁 謹

題為循例舉劾有司官員事該臣按吳事竣復

命訪得知府等官方岳貢等一十九員皆有司之良

應分別擢用考選通判胡士驤等二員不職應

分別議處未敢擅便謹題請

旨

崇禎七年九月初二日具題十月初四日奉

聖旨吏部知道

巡按蘇松等處監察御史臣祁 謹

題為循例舉劾武職官員事竊照臣屬環江北海
內匯太湖當盜賊出沒之鄉為夷寇窺伺之地
拊戢銷弭固有司之責而折衝禦侮則諸武臣
事也言擇將乎江南之今日不其亟乎然將師
之貪廉賢不肖以視其士馬之強弱器甲之利
缺船隻之堅脆庶乎得其槩矣然非賞不勸非
罰不懲又行師之要道也且叨有綜核之任可
鼓勵者則鼓勵之應責成者則責成之若其鼓

勸而更加勸責成而不知悛則有循例之舉刺
在除撫臣坐營遊擊王尚德戎行宿將聞外雄
風歷俸尚淺金山營叅將沈嘉謨任事心真取
兵惠洽已經陞任俱不敢繁敘外今以應薦應
劾者謹核實陳焉

應薦官二十員

副總兵官一員

江南武進士世職百戶副總兵官許自強年儀
倘才略沉雄以冰蘖砥躬以膠績拊士年

來却寇銷氛皆其賞罰嚴明之效蓋可謂智
勇兼備真海上長城也

叅將官二員

金山營武進士叅將張超以通今博古之儒具
料敵出奇之略厘奸飭備毅然舉行而恩威
兼施能使士卒用命此誠曾有拾萬甲兵他
日必成名將

永生營叅科武舉卅職指揮叅將桂本枝身經
戰陣胃富韜鈴地當江南北之要衝本官拊

循士卒能使壁壘精嚴荏苒銷戢足徵禦侮
之略

遊擊官一員

劉河常武進士遊擊鄭維城說礼敦詩知謀善
戰前年崇明告警本官親涉波濤窮追劇寇
致其焚舟散黨乃且口不言功人咸服其勇
胆器量

守備官一員

標營三科武舉守備項鼎鏞胄富大韜技長七

紮當浙氛報警之時卽殫心籌畫如建樓峙
儲鑒：可行而訓練精勤可需專聞

把總官七員

吳淞陸營廿職千戶加級指揮把總朱士胤饒
有壯懷兼多偉略請纓慷慨多於人所畏避
之處振臂先登頃者安慶貼防行伍整肅更
見一面之才

吳淞遊兵營今撫臣議調福山營廿職指揮把
總汪秉日才情英偉識度老成協勦不避艱

危束兵能同甘苦若獲盜獲盜獲閑出之海
船具有成績可稱干城之選

吳淞水營武舉把總閔洪得滿腹皆兵一身是
胆卽其勦禦海寇清覈軍糧已見廉勇之餘
而技擅穴攻尤得制勝長策

福山營今撫臣議調吳淞遊兵營三科武舉把
總張其威智廉咸具謀勇兼超捐貲僦器軍
容煥然向年統兵入援著有勞績夙儲登壇
之望該撫臣以遊兵營原備征調應援議調

本官更可於盤錯見利

拓林營會舉把總程應璠氣魄超雄市情果毅
凡剔厘脩建孜孜竭誠置其身於利害之外
其胆其識不特偏裨翹楚

川沙堡武進士把總蔣其仁桓桓偉質濯濯英
猷嚴會哨查閱之規清冒糧項支之弊地方
寧息之文旬無虛報可覘任事恪勤

上海營三科武舉把總褚士麒雄赳作氣淡泊
砥操汰革情兵時巡險汛值凶荒而防守嚴

密其才有足自見

總練官六員

蘇州西陸營世職指揮總練包文達英標鵠立
壯志鷹揚領運飛輓猗猗先清屯棘幹不掇及
於東兵整旅見其練達明通允堪大用

宜興營總練楊大相籌畫出之深心疾徐俱得
念切循繩領運全完又能代親補欠傳宣之
侍此其稱最

常鎮道標唬營世職百戶總練陶拱極虎踞雄

姿驤騁壯氣不但中權令肅而況毅有謀凡
所馳驅無不奏效

巡江營武舉總練吳宗進中堪借箸勇足推堅
向在靖江以潔已愛士有聲於諸弁中茲當
京口巡江地方尤賴為保障

蘇州東陸營卅職百戶總練尹尚元中稱夙練
氣足先登傳宣則秉令惟嚴訓練而折衝可
藉式遏之略此其人歟

太倉陸營卅職千戶總練姜雲鵬飲冰任事橫

梁臨戎清查營兵虛冒造冊給牌勤加操練
而製器繕械尤見料理有法

世職指揮一員

金山衛指揮同知魏仁濟氣槩軒翔才猷練達

管屯而催徵籽粒勤恪無染可稱世職白眉

已上諸臣皆武職之良所當薦揚以備擢用者
也內副總兵官許自強在楚之鎮草風擅威名
及莅任而當操賞裁減之後捐貲訓練身先將
士北勦掘港之寇東設羊山之防此真可以鎖

鑄三吳之門戶者且以其資俸已深會撫臣呈
堂達部請照例加銜久任更新

聖明鑒裁施行又如陳漁為兵行以保甲之法使海
上絕勾引之奸漁船無擄劫之苦此為籌海要
策臣向于疏

奏中條議之自強設誠力行之而叅將張超把總
程應璠又能統禦有法早死問傷以故近來三
次出洋俘獲纍纍是亦足以生組練之色所當
拈出以示鼓舞庶諸將人知效命也

應劭官二員

把總官二員

南雁營世職指揮把總趙元勳才本疎庸志亦
姜蕭穿線一憑提擬委轡不任驅馳一上年
六月內放春季口糧聽憑識字左丞王薛應
札將選鋒五百餘名勒指不放每名索扣銀
二分三分不等致衆選共憤本官付之不聞
一哨長左進宝楊之玉賀文等包攬青浦汛
未俱將爛米裝載回營衆選臨放不服進宝

等託李玉峯央求本官強將爛米給軍合營
怨恨一軍人吳潮崇禎四年間將女賣于夏
霄為使女痢病身故族人吳興孝思得詐財
將人命事情具稟本提擅受其詞差薛應礼
戴拘任其索詐一營盡鞠尚募鞠大倫鞠弘
士鞠弘綱等父子兄弟冒頂兵粮二十九名
每遇操點徧募市人應卯甚至老弱疲癯俱
聽充數本官不能澄汰及至伊族鞠泰寧等
縱橫無忌扛抬僧人方始具文申報一上年

十二月內縱捕盜張仁諸勝等裝載私鹽五十餘包載至北高橋地方貨賣被嘉定縣捕快捉獲船鹽本官星夜差選鋒夏之選趕至北高橋夾總甲林順之行賄于捕人釋放兵船歸營一本官倚信李玉峯為腹心凡地方事與營伍不相干涉者輒聽私票出票拘人殊覺生事一本官怠于訓練凡兵選哨日不能閱弓舉石者悉聽李王峯濫收入伍冒破兵精一本官到任至今從未夜巡一次以致

哨捕偷安竊盜興益敗公行此一官者居身
不潔馭下渎疎卽其訓練之無聞安望疆場
之有用所當革任回衛者也

青浦營三科武舉把總王隆世事多逞臆動見
招尤惟知盛氣以加人閤事詰戎而振伍一
該營新授之兵半屬官僕縱橫異常上年十
二月內孫孝王龍馬忠等酗酒打馬二周四
等家粟之本官不問反將粟人喝罵以致百
姓畏兵如虎嘖有怨言一營兵宋元周永忠

趙奎繫義朱文許升以病為名不赴擇演本
官任其優游坐食衆兵有偏勞偏逸之嘆一
縣民邢玉與與金光爭地營兵楊榮偏護金
光與玉開殿邢玉抱憤辱及本官署官責玉存
休本官又偏申文書致玉受禁而死寡婦幼
子赴懇可憫一該縣燒香山被劫其盜經過
城下縣役捉獲秦大王科志府役捉獲沈明
李升本官寂若罔聞竟不追趕以致大盜遠
遁一本官先支兵糧先將人戶易先者扣作

已俸又復全扣一年以致兵多缺餉且重等
秤收糧戶苦之一妄申文書謬增兵百名惟
圖補兵之常例為道臣所駁一本官以生辰
為名需索書識班頭及李時曹成陳心榮壽
等不顧官箴一本官情于訓練又不查點以
致陳祥汪宗馬奎張奉沈本將兵器典充賭
飲及至臨操校手站立本官亦不詰問一營
舊高升陳祥汪宗丁士元等姦及神會扣糧
演戲及至兌領貧兵糧少爭聞本官反為喫

怒以致各惡猖狂此一官者縱兵如逍遙河
上不止失伍之三律身已決裂大開豈識守
歲有四所常革職回籍者也伏乞

勅下兵部再加查核如果目言不謬覆議上

請將許自強加銜留任張超等循資擢用趙元勳等
分別被革庶營伍肅而士氣振目可勝悚息待
命之至

巡按蘇松等處監察御史目和謹

題為衛例舉劾武職官員事該目按吳事竣後

命訪得副總兵等官許自強等二十員才守可現應
分別加銜擢用把總官趙元勳等二員擬請
聞應分別褫革未敢擅便請題請

旨

崇禎七年九月初二日具題十月初四日奉

聖旨兵部知道

巡按蘇松等處監察御史臣祁 謹

題為循例舉劾教職官員事臣惟學校為風化之
源師席乃人倫之表我

皇上屢渙

明綸首重德行則此司鐸于芹宮者不亦重有淑世
維風之責乎臣巡歷所至例有覲風之役而臣
復聞舉會課就文品士風而教職之滕任與否
于此可見焉今日舉刺並行署篆有禁

功令已一新矣廣文中亦遂爭自砥礪以期不負

作人之任在今有文彩可現風節自堅者且安
得不拔其最以薦揚若其昏眊裂簡與夫衰殘
無用且又不敢以寒氈之故而寬假之也謹以
應荐應劾者核實陳之

應荐教職十五員

舉人教諭九員

崇明縣儒學教諭黃靡玉質金相氣韻雲蒸霞

蔚中華學識文章卓然師範常推時彥之最
太倉州儒學：正陳時瑞博雅端方言動聞有

嚴毅之色可以式靡挽囂儼然是先進遺軌
丹徒縣儒學教諭吳永澄嶢然有品煥乎其章
興諸生課義論文許題精當不愧蘇湖風範
常熟縣儒學教諭蔣爾揚溫文雅度藻虎雄才
主會課清學租捐金而葺宮牆皆實心為之
可以卜他日之經濟

長洲縣儒學教諭史明載曾襟宏遠氣宇軒翔
却贊惟嚴整規必肅屹然以名教為己任
嘉定縣儒學教諭劉敬脩質行可儀文心有斐

尹晤攻苦杜門蕭然自是凌霄俊品

無錫縣儒學教諭楊汝翼和厚程躬清真表物
束諸生嚴而有礼舉耆孝公而不私洵稱士
林翹楚

清江縣儒學教諭余懋儼韻入芝蘭品端圭璧
與諸生課義以身先之丹黃成帙孟大雅不
群之器也

吳縣儒學教諭諸士翹性資渾樸軌範端嚴凡
課文能抑靡崇雅近來吳士多好脩砥節本

官有訓迪之力焉

選貢訓導二員

鎮江府儒學訓導黃廣鴻文鑄古道器範今著
書立言有承天主人礼樂諸偏不但硯胸中
淵博且可為後學準繩

太倉州儒學訓導徐應堂範身造士居然有物
有恒而且明于世務可稱有用之才

歲貢訓導四員

松江府儒學訓導管席之粹貞之心深探格物

敏知之學與之語經濟如叩大呂黃鍾名下
信無虛士

宜興縣儒學訓導徐汝璽持躬玉立揆藻雲生
以孝友之門風出而範士自足為絳幘名彥
太倉州儒學訓導劉文抱負不凡操脩更勵向
考課之外不以塵務經心克為婁士樹範
武進縣儒學訓導石汝礪學堪振藻行可維風
觀其談經教士侃侃不羣是誠堪為世用者
已上諸臣皆教職之良所當薦揚以備六館有

司之選者也

應勅教職三員

歲貢拔授二員

鎮江府儒學教授梁懋廉甚矣其衰戒惟在得

本官年近古稀五官頽廢惟較諸生贅儀多

寡瑣、于鉛銖之間見者掩口令門役丁榮

盛貴需索丁憂生員荆允元李琪枝馮日森

等常例不遂將丁憂呈詞徑年沉匿臨場混

填月日致學日查究又借報劣為名廣行挾

詐得財賈放臨時無可開報遂以已經前學
臣懲戒過若生林公梅等重複混填致府臣
駁正此○一官者居心已屬穢鄙舉動每見乖
張

金山衛儒學教授宿爾學師範不端官方有玷
本官一意渙獵視黷官如塾師有吳鰲誣陷
生員計六奇本官受鰲銀四兩輒令鰲自做
審語送學標卷張声國可審又如奸民許現
串通沈氏捫開無影單款誣生員王廷栻本

官居為奇貨勒要廷杖銀三十兩廷杖被迤
不堪案府官提究及覘其舉止則衰頹已極
當大祭之時跪拜踉蹌不能成禮此一官者
未嘗無諉之徑不諱可以無取之義勿思已
上二臣所當照不謹例處分者也

歲貢訓導一員

吳江縣儒學訓導陳嘉謀暮氣已深夜行不止
本官年已衰邁足履偏跛卧病經年當教諭
分齋偶缺時學規盡發現風之生員憑學校

混報名士多不入試。自至其邑。欲一謁見而
不能。乃惟屢次給假。不知引退。此一官者。既
不能振鐸膠庠。宜令之養疴牖下。所當照老
疾。例致仕者也。

再照從來擇品于廣文。難而擇品于明經之廣
文。更難。蓋多氣竭于再教之餘。才窮于日暮之
際。而江南此際。適有夙學名流。設甄其地者。士
子爭度。得師竟為一時聽堂之盛事。且與道府
廳諸臣指屈而教。無不愛且重之。念書生下帷。

攻苦不能乘時博一第而僅屈首明經此其抱
泣玉之悲待金門之詔者不知幾許年矣日若
不一為薦揚使之囊裏見穎則雖英才碩抱亦
轉易銷沉耳其何以勵青雲之氣表白璧之
操乎雖於前此却

題之例日已稍溢一二誠以適際多才或不妨于
冷擅一途示鼓舞提以仰体我

皇上廣勵學宮崇重實學之

聖意耳況合計薦額向有二十餘人而今尚不滿意

十六此外有才品彬：如嘉定學之劉之褒青
浦學之徐日隆尚不無遺珠之嘆以是見目之
原非敢有濫舉也伏乞

勅下吏部再加查訪如果目言不謬將黃麻等一体
選用梁懋康等分別議處庶於文品士風少有
補裨矣目可勝悚息待

命之至

巡按蘇松等處監察御史目祁 謹

題為循例舉劾救職官員事該目按吳事竣後復

命訪得教諭等官黃扉等一十五員皆教職之良應
分別擢用教授梁越廉等應分別議處未敢擅
便謹題請

旨

崇禎七年九月初二日具題十月初五日奉

聖旨吏部知道